

ՓՈԽԸՄԲՈՒՆՄԱՆ ՀՈՒՇԱԳԻՐ


ք.եղեգնածոր

«9» Ապրիլ 2015թ.

Նպատակ ունենալով բարձրացնել Վայոց Ձորի մարզի բնակչությանը մատուցվող բժշկական օգնության և սպասարկման ծառայությունների որակը, ապահովել դրանց շարունակականությունն, ինչպես նաև Վայոց Ձորի մարզի բժշկական կազմակերպություններում չիրականացվող մասնագիտական բժշկական օգնության և սպասարկման ծառայությունները բնակչությանը հասանելի դարձնել, «Էրեբունի» բժշկական կենտրոն» ՓԲԸ-ն՝ ի դեմս գործադիր տնօրեն Արթուր Ռոստոմյանի, որը գործում է ընկերության կանոնադրության հիման վրա, մի կողմից և Վայոց Ձորի մարզպետարանը՝ ի դեմս մարզպետ Հարություն Սարգսյանի, որը գործում է մարզպետարանի կանոնադրության հիման վրա, մյուս կողմից կնքեցին սույն հուշագիրը հետևյալի մասին.

1. Հաստատել արդյունավետ և բազմակողմանի համագործակցություն՝ սույն հուշագրով սահմանված նպատակների և խնդիրների իրագործման համար:
2. ՀՀ օրենսդրությամբ սահմանված կարգով ապահովել «Էրեբունի» բժշկական կենտրոն» ՓԲԸ-ի ընտրված աշխատակիցների մասնակցությունը Վայոց Ձորի մարզի բնակչությանը բժշկական օգնության և սպասարկման ծառայությունների մատուցմանը:
3. Երկկողմանի համաձայնեցված կերպով մշակել ժամանակացույց՝ Վայոց Ձորի մարզում իրականացվող բժշկական օգնության և սպասարկման միջոցառումներին «Էրեբունի» բժշկական կենտրոն» ՓԲԸ-ի՝ ընտրված աշխատակիցների մասնակցության համար:
4. Սույն Հուշագրով նախատեսված համագործակցությունը կազմակերպել առավելագույնս արդյունավետ՝ ելնելով Վայոց Ձորի մարզի բնակչությանը բարձրակարգ բժշկական օգնության և սպասարկման ծառայությունների մատչելիությունը երաշխավորելու սկզբունքից:
5. Սույն Հուշագիրը կազմված է երկու օրինակից: Կողմերից յուրաքանչյուրին տրվում է մեկական օրինակ:
6. Սույն Հուշագիրը հանդիսանում է Կողմերի մտադրություններն արտահայտող փաստաթուղթ:

«Էրեբունի» բժշկական կենտրոն» ՓԲԸ
գործադիր տնօրեն
Ա.Ա. Ռոստոմյան



Վայոց Ձորի մարզպետ
Հարություն Սարգսյան

